

ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyon nga Waray
Tuig XXXIX Ihap 22
Nobyembre 21, 2008
www.philippinerevolution.net

Editorial


Sekreto nga mga operasyon han US ha iba-iba nga nasud

Waray wantas nga gintatamakan han imperyalismo nga US an soberanya han iba-iba nga nasud ha pagpapasulong hini han pankalibutan nga terorista nga gerra. Diri na ini mahilikaw han US kahuman mabuksas hini nga Nobyembre an usa nga dokumento nga klaro nga nagmamando ha mga tropa han US Special Forces nga maglansar hin mga sekreto nga atake ha gin-papagawas nira nga pukot han terorista nga al-Qaeda diinman nga parte han kalibutan.

Hadton 2004, iginpagawas han anay Defense Secretary Donald Rumsfeld han US an "al-Qaeda Network Exord" (*execute order*) nga nagmamando hin paglalansar hin mga sekreto nga pag-atake ha mga kampo kuno han al-Qaeda, bisan waray pa pagtugot an gobyerno han nasering nga mga nasud. Ha desisyon han usa nga guti nga grupo han higtaas nga opisyal, dagmit nga nahideploy an mga sundalo nga Amerikano ha iba nga nasud agud maglansar hin panmomba ngan iba pa nga operasyon kontra ha ira mga target.

Kaparte an *memorandum* han usa nga tambak nga mga mando han rehimen Bush agud pakusgon ngan igpasamwak an terorista nga gerra hini ha iba-iba nga parte han kalibutan. Nahiuna na nga nagpagawas hi Bush hin mando para ha ginsesering nira nga "*rendition*"—an sekreto nga pagsikmit, pagdetiner, pagbarubalhin, pag-imbestigat ngan pagtorturyur ha mga suspetsado nga "terorista" ha mga sekreto nga prisuhan ha iba-iba nga nasud. Hadto pa nga 2002 sekreto liwat nga iginmando ni Bush an pagsubaybay ha mga ertestorya ha telepono, *email* ngan iba pa nga elektronik nga komunikasyon han katawhan ngan mga langyaw ha US hin waray mandamyento o anuman nga pagsarit ha korte. Talapas ini nga mga mandasyon ha internasyunal nga balaud ngan bisan ha mga balaud han US.

Ginpapakaupay pa han US an iba-iba nga pamaagi han pangespiya ha iba-iba nga nasud. Sekreto nga gin-gagamit an mga *drone* nga pan-espiya ngan iba pa nga abante nga teknolohiya para ha elektronik nga surbeylans. Nagamit liwat ini hin mga espiya ngan binaydan nga ahente para subaybayan an mga posisyon ngan gios



**Mga landaw hini
nga isyu...**

**Mga *drone* han US,
sekreto nga ginpa-
palupad ha Pilipinas**

PAYPAY 3

**Opisyal han AFP
nakaptura, M60
nakumpiska**

PAYPAY 8

**Pamunuan han Senado,
naagaw han kampo
Arroyo**

PAYPAY 11

han mga pwersa nga ginkokonsidera nga pangontra han US.

Ginsesering han *memorandum* ni Rumsfeld nga may-ada 15-20 nga nasud nga "base han mga terorista". Labot hini, gintutugutan han *memorandum* an pangatake ha anuman nga nasud, kalakip an mga papet nga estado han US sugad han Pilipinas, ha ngaran han pagbiling ha mga terorista, sugad kuno han Abu Sayyaf. (*Kitaon an kasumpay nga mga artikulo*) Pero an panmaihaan ngan ungod nga prinsipal nga target han pangangatake han US ha Pilipinas

amo an Partido Komunista han Pilipinas, Bagong Hukbong Bayan ngan iba pa nga rebolusyunaryo ngan kontra-imperyalista nga pwersa.

Kinahanglan pangandaman han bug-os nga rebolusyunaryo nga kagiusan, han dayag nga patriyotiko ngan demokratiko nga kagiusan ngan han katawhan Pilipino an nagtitakahiluag ngan nagtitakahilarum nga interbensyon-militar han US ha Pilipinas ngan magpursige ha pagbuksas ngan pagpakyas ha ngatanan nga porma hini. Gin-aantuman nga igpapadayon ini nga palisiya han bag-o nga

gobyerno ni Obama.

Kinahanglan liwat hugot nga kondenaron an papet ngan traydor nga rehimen Arroyo ha waray wantas nga pakipagbubligay ha amo hini nga imperyalista, bisan pa kun pagtamakan han US an sobe-ranya ngan teritoryal nga integridad han nasud. An ginbugkos gud-la nga kusog ngan pursigido nga paggios han ngatanan nga kontra-imperyalista ngan demokratiko nga pwersa ha nasud an makakapugong ha padayon nga pagkusog han interbensyon-militar han US ha Pilipinas. AB

Pangangatake han US

Padayon an paglalansar han militar han US hin mga pangangatake ha iba-iba nga parte han kalibutan. Tikang ha Iraq, Afghanistan, Pakistan ngan Syria ha Middle East, naglalansar liwat an US hin mga reyd ha Somalia, Kenya, Ethiopia ngan iba pa nga nasud ha Africa. Para tagan-rason ini nga mga pangatake, an iba-iba nga mga armado nga grupo, labina adton mga natipa ha imperyalismo nga US pirit nga iginsusumpay ha grupo nga al-Qaeda. Ha sugad nga pagsumpay, nagtatarhug liwat an US nga sasakupon an Yemen, Algeria ngan Indonesia.


Hini nga Nobyembre 7, inabot ha 12 katawo an namatay han sekreto nga bombahon han usa nga US *drone*

an usa nga balay ha bawnderi han North ngan South Warizistan, nga ginsering han US nga base han mga

lokal nga gerilya nga natipa ha pangangatake ngan okupasyon han US ha Iraq. Pinakaurhi la ini ha nagtitikaagsub nga paggamit han US hin mga *drone* ngan panmomba ha Pakistan. Hini la nga Oktubre, gatusgatos na nga mga residente didto an namatay ngan nasamaran tungod ha mga bomba tikang ha mga *drone* han US.

Oktubre 26, 2008. Ginreyd han upat nga helikopter han US an Deir Ezzor, usa nga komunidad nga apike ha bawnderi han Syria ha Iraq. Waray ini permiso han Syria. Walo an namatay ngan damo pa an nasamaran ha nasering nga reyd. Sumala ha Foreign Ministry han Syria, mga sibilyan nga trabahador an ginpabuthan han mga helikopter han US. Linusad pa ha ira mga helikopter an mga sundalo nga Amerikano ngan inatake an usa nga bilding ha erya, sumala ha mga testigos. Ginpapagawas han US nga an mga nasering nga komunidad an nahimumutangan han usa nga planta hin *plutonium* (usa nga sangkap han mga nukleyar nga armas) nga natutukod pala kuno han Syria didto ha bulig han North Korea.

Diri ini an syahan nga higayon nga nangatake an mga tropa han US ha mga komunidad han Syria. Tikang sakupon hini an Iraq, makapira na


 <p>Tuig XXXIX Ihap 22 Nobyembre 21, 2008</p> <p>Igin-gagawas an <i>Ang Bayan</i> ha yinaknan nga Pilipino, Bisaya, Iloko, Hiligaynon, Waray ngan Ingles.</p> <p>Mahihimo ini nga <i>i-download</i> tikang ha Philippine Revolution Web Central nga makikita ha: www.philippinerevolution.net</p> <p>Nakarawat an <i>Ang Bayan</i> hin mga kontribusyon ha porma hin mga artikulo ngan balita. Gin-aaghat liwat an mga mambarasa nga magpaabot hin mga suson ngan rekomendasyon ha ikauuswag han aton pahayagan. Maaabot kami pinaagi han mga <i>email</i> ha: angbayan@yahoo.com</p>	<h3>Gin-uunod</h3> <p>Editorial Sekreto nga mga operasyon han US ha iba-iba nga nasud 1</p> <p>Pangangatake han US 2 Mga <i>drone</i> han US, sekreto nga ginpapalupad ha Pilipinas 3 Pakyas an OBL2 ha Southern Mindanao 4 Pangangandam ha Balikatan, ginpapakyas ha Sorsogon 6</p> <p>Magdinaugon nga opensiba han BHB Opisyal han AFP nakaptura, M60 nakumpiska 8</p> <p>Panhihibang han pasista nga estado Panmomba, panmatay ngan ilegal nga pangangaresto 9</p> <p>Pamunuan han Senado, naagaw han kampo ni Arroyo 11</p>
<p>Iginpublikar an <i>Ang Bayan</i> duha kabeses kada bulan han Komite Sentral han Partido Komunista han Pilipinas</p>	


kabeses nga gin-atake han mga pangerra nga edro han US an Syria para kuno lanaton an mga elemento han al-Qaeda ngan mga Sunni nga gerilya nga nagtatago kuno ha mga bawnderi hini.

Hunyo 2008. Naglarang an US nga magpadara hin usa ka-tim han Navy Seals ngan Army Rangers ha Pakistan agud patayon o dakpon hi Ayman al-Zawahri, gintutuohan nga naikaduha kan Osama bin Laden ha organisasyon han al-Qaeda. Ginplano han US an nasering nga pag-atake tungod ha eru-estorya nga may-ada didto tatambungan nga meting hi al-Zawahri.

Hadton 2006, gin-atake han usa nga tim han US Navy Seals an balay kuno han usa nga gin-aakusaran han US nga terorista ha rehiyon han Bajaur ha Pakistan. Direkta nga nasubaybayan han higtaas nga opisyal han Central Intelligence Agency an nasering nga reyd tikang ha ira hedkwarters ha Virginia ha US, pinaagi han mga kamera nga nakakabit ha Predator *drone*.

Enero 7, 2007. Gamit an Somalia komo base, nagpaaran hin mga *missile* an mga edro han US ha usa nga tay-aw nga komunidad ha Kenya. Sakob hin usa kaoras, lina-nding an mga tropa han US ha nasering nga komunidad agud kitaon an naruba nga mga balay. Ginpapagawas nira nga may-ada kalabutan ha al-Qaeda an target han US.

Katapusan han 2006. Sekreto nga nagpadara an Joint Operations Command han US Army hin mga operatiba ngan mga AC-130 *gunship* ha Ethiopia kahuman pwersado nga sudlon ngan sakupon han mga tropa nga Ethiopian an Somalia. Tikang ha Ethiopia, pira na kabeses nga gin-atake han mga tropa han US an Somalia para lanaton ngan patayon an pwersa nga nakabase didto nga gin-aakusaran nira nga responsable ha panmomba ha mga embahada han US ha Kenya ngan Tanzania hadton 1998. 



*Binagsak nga drone
nga katin han mangaraway
han MILF*

Mga pangespiya nga *drone* han US, ginpapalupad ha Pilipinas

Duha nga *drone* han US an binagsak o ginpabagsak ha Maguindanao ngan North Cotabato hini nga naglabay nga pira kasemana, pagpamatuod nga aktibo ngan direkta nga naniniktik an militar han US komo suporta ha kontra-rebolusyunaryo nga gerra han papet nga rehimen.

Hini nga Oktubre 31, usa nga Predator *drone* an binagsak ha Talayan, Maguindanao kahuman pabuthan han mga pwersa han Moro Islamic Liberation Front (MILF). Pareho han iba nga *drone*, an Predator usa nga instrumento nga gin-gagamit han US Army ha ira mga sekreto nga pankombat nga operasyon ngan paniktik.

Usa liwat nga pangespiya nga *drone* han US an binagsak ha usa nga komunidad ha Pikit, North Cotabato han sumab-it ini ha mga puno han lubi hadton Oktubre 17. Dayon nga ginkordon han lokal nga pulis an erya ngan gintirok an mga nagsarang hini nga pyesa. Pirit ini nga ginlikaw han mga opisyal han US ngan rehimen pero igin-notisya pa gihapon han lokal nga midya makalabay an usa kasemana.

Pauru-utro nga igin-nenegar han mga opisyal han rehimen ngan US an interbensyon han US

ngan butad nga presensya han mga sundalo nga Amerikano ha mga operasyon kontra ha MILF. Bisan kun gidamui na an nakakita ngan ebidensya, kalakip an nahipublikar nga retrato han usa nga busag nga pan-espiya nga edro han US hadton syahan nga mga adlaw han open-siba han AFP kontra ha MILF. Ha kamatuoran, ginkompirma ha usa nga opisyal nga report han US Armed Forces ha US Congress nga an mga *drone* ha Pilipinas gin-gagamit para maghatag hin "suporta nga paniktik ngan komunikasyon" ha mga pwersa han AFP nga nag-ooperasyon ha nasud.

Hadton Pebrero 10, binagsak an usa nga *drone* ha Indanan, Sulu. Napurot ini han mga residente ngan igin-atubang ha masmidya. Usa liwat nga *drone* an binuto ha Mt. Tumatangis ha Sulu hadton Nobyembre 2007.

Nahiuna na nga nakit-an han mga residente didto nga gin-gamit

an nasering nga *drone* samtang iginpapatuman han AFP an mga operasyon nga paglanat ha tulisan nga grupo nga Abu Sayyaf.

Hadton Pebrero 2006 naman, ₱50,000 an iginbayad han militar han US ha usa nga parag-uma nga nakakita ha usa nga *drone* han US ha nahulugan hini nga kalubian ha Indanan, Sulu. Hadton Marso 2002 pa, usa na nga Predator an nahulog ha kadagatan han Zamboanga City.

Ini nga mga pangespiya nga *drone* maiha na nga ginpapalupad han US diri la ha lugar han mga Moro ha Mindanao. Damo na nga higayon nga nakikit-an nga nagkakalupad an mga *drone* ha mga lugar nga ginigiusan han BHB ha iba-iba nga parte han Pilipinas, labina ha mga panahon nga may-ada iginpapatuman nga Balikatan *military exercises* ha apike.

Agsub nga nakaistasyon ha base han Philippine Air Force ha isla han Mactan, Cebu an mga P-3 Orion *drone* han US nga ginpapalupad ha iba-iba nga parte han nasud. **AB**

Mga tropa han US ha Southern Mindanao

An hiluagan nga kontra-rebolusyunaryo nga operasyon han mga tropa han 10th ID ha bug-os nga Southern Mindanao yana nga 2008 nga ginpakusog tikang hadton syahan nga semana han Abril in iginpapatuman nga may-ada direkta nga partisipasyon han militar han US. Hadton syahan nga semana han Mayo, mismo an mga residente han Barangay Ngan, Compostela, Compostela Valley an nagreport ha Bagong Hukbong Bayan (BHB) han presensya han upat nga tropa nga Amerikano nga nakabase ha *tactical command post* han mga Scout Ranger ngan 1003rd Brigade-AFP ha Sityo Spar Dos. Gamit an mga *satellite dish*, *laptop computer*, *scanner* ngan usa nga *unmanned aerial vehicle* (AUV) o

drone, naghahatag hira hin *technical intelligence* para magiyahan an maniobra ha kombat han mga tropa han AFP kontra ha BHB.

Pagpamatuod an sugad nga panhitabo nga direkta nga dabi an militar han US ha pagdireher diri la han mga operasyon kontra ha mga rebolusyunaryo nga Moro ngan mga tulisan nga Abu Sayyaf, kundi ha kontra-rebolusyunaryo nga kampanya han militar kontra ha BHB. Dako nga buwa an palusot han US ngan han rehimen Arroyo nga mga makatawo nga misyon an kinokonsentrahan han mga tropa nga Amerikano nga permanente na nga nakabase ha nasud. Buwa liwat an pirme iginririnason han US nga mga grupo nga kaupod kuno ha pukot han al-Qaeda an ginlalanat han ira mga tropa. **AB**

Pakyas an OBL2 ha Southern Mindanao

Padayon nga ginpapakyas han rebolusyunaryo nga kagiusan ha Southern Mindanao Region (SMR) an Oplan Bantay Laya 2 (OBL2). Tikang Enero 2008 ngada yana, hinahampak han mga taktikal nga opensiba han BHB an mga pwersa han 10th ID han AFP ha iba-iba nga parte han rehiyon.

Duro kaupay an panalinguha han AFP nga mapiang ngan malipol an rebolusyunaryo nga kagiusan ha rehiyon. Pero imbes nga mapirde, nakagdurot pa hin dagko nga kaswalti ha mga tawuhan, rekurso ngan operasyon han AFP an mga Pula nga mangaraway. Nakaamkon an BHB hin dagko ngan magranggat nga kadaugan ha natad han militar ngan politika.

Mga taktikal nga opensiba

Pag-entra han 2008, iginlansar han 10th Infantry Division-Eastern

Mindanao Command han AFP an dagko ngan mga súsú nga lebel-rehiyon nga operasyon militar kontra ha mga rebolusyunaryo nga pwersa ha Southern Mindanao. Ini na an pinakamakusog nga kampanya militar han AFP ha kasaysayan han rehiyon.

Ginmobilisa ha operasyon an haros kabug-usan han 10 kabatalyon nga nahisasakob ha 1001st Brigade ngan 1003rd Brigade han 10th ID. Inabot 1,500 tubtub 2,000 nga mga pwersa han 67th, 28th, 25th, 72nd,

73rd, 39th ngan 60th IB ngan 3rd Special Forces Battalion an iginbuhos ha operasyon. Ginkulang pa ini ngan igin-api liwat an darudamo nga kumpanya han Scout Rangers ngan an Division Reconnaissance Company. Naghakot pa hin tinagdamo nga reinporsment tikang ha 1002nd ngan 602nd Brigade han 6th ID. Ginsusuportahan liwat han Regional Mobile Group han PNP-IX ngan han 1105th PNP Provincial Mobile Group an mga pankombat nga operasyon han AFP.

An 1001st Brigade ngan an mga unit nga pan-*rapid deployment* han Philippine Army nagkokonsen-

tra ha mga prayoridad nga target han OBL2 ha mga munisipalidad han New Bataan, Compostela ngan Monkayo ha Compostela Valley, ngan mga munisipalidad han Baganga, Boston ngan Cateel ha Davao Oriental. An 1002nd Brigade ngan an Task Force Raftor (TFR) naglalansar liwat hin dudrungan nga operasyon ha North Cotabato, Davao del Sur ngan Davao City. Hini nga naglabay nga bulan, an 1003rd Brigade asya an gintuinan komo TFR ngan gindugngan ini hin usa pa nga batalyon.


Nagamit an kaaway hin mga kanyon ngan mga sarakyan ha hubas ngan pan-kalarakan para ha kombat, lohistika, suplay ngan transportasyon. Kalakip dinhi an mga helikopter nga UH-1 ngan MG520, edro nga OV-10, tangke nga Simba, *armored personnel carrier* ngan 105mm *howitzer*.

Ha asesment han Panrehiyon nga Komite han Partido ha Southern Mindanao, aktibo nga naatuhan ngan napakyas han mga rebolusyunaryo nga pwera ha kabug-usan an mga kampanya han kaaway pinaagi han pagpapasamwak ngan pagpasusû han mga taktikal nga opensiba, pagpapahiluag han panmasa nga base ngan pagpapakusog han kagiusan masa. Ginpadao ngan ginkonsolida an Partido ngan hukbong bayan, ngan epektibo nga nagpatuman hin taktikal nga pamumuno.

Tungod hini, nasulong an rehiyon ha luyo han kabangis ngan panrumok nga dara han militarisasyon. Waray bisan usa nga naruba nga prente gerilya. Nagtitikahiluag pa lugod an mga erya nga nagigiusan ngan an mga prente gerilya. Nagtitikadamo liwat an kaapihan han Partido, hukbong bayan ngan mga organisasyon masa. Nahipupursige an pagpapatuman han minimum nga

programa han agraryo nga rebolusyon ngan iba pa nga yawe nga burohaton han hukbong bayan.

An pinakalandaw nga eksperyensya ha pag-atubang ha duro kakusog nga atake han kaaway ha bug-os nga rehiyon nakab-ot hadton mga bulan han Abril-Mayo 2008. Nahitabo ini han magpakita an BHB ha rehiyon diri la ha kapas hini nga magpreserbar ha kalugaringon, kundi han kapas nga igdaug an mga kontra-atake ha kaaway ha porma han serye hin mga epektibo ngan sostenido nga taktikal



nga opensiba. Sakob hin duha kabulan, nakaglansar an BHB hin 76 nga mga taktikal nga opensiba nga nakagdurot hin kumpanya nga kadakuon nga kaswalti ha mga pwera han 10th ID (32 an patay ngan 42 an samaran). Nakumpiska han BHB an regular nga platun an kadakuon nga magbakod nga armas (35) ngan nakaamkon hin dagko nga pampolitika nga kadaugan.

Pakyas an ginpapakusog nga atake han kaaway

Sering han komite han Partido ha Southern Mindanao, an naglabay nga buylo han mga taktikal nga opensiba para atubangon, atuhan ngan pakyas an mga kampanya nga paglipol nga larang kunta igpatuman han kaaway mapupurutan hin mga leksyon nga poyde himuon nga basaranan agud labaw pa nga mamaksimisa an presente nga kapasidad han rehiyon ha gerilya nga pakiggerra.

Madig-on an mga basaranan para mapakusog pa an gerilya nga pakiggerra ha SMR. Paborable an kabugusan nga obhetibo nga sitwasyon ha rehiyon, nasud ngan kalibutan para labaw pa nga kumusog ngan sumulong an armado nga rebolusyon. May-ada na naipundar nga sadang nga lugop han erya ngan kahilarum han base panmasa ngan may-ada mga yunit han BHB nga may-ada kapas ngan eksperyensya agud himuon ini. Dugang pa, damo an bulnerabilidad ha deployment ngan gios han kaaway ha rehiyon an angay hakbuton.

Basar hini, nananawagan an namumuno nga komite ha ngatanan nga yunit gerilya han BHB ha rehiyon nga magpursige ha gerra han katawhan ngan padayon nga pahiluagon ngan pasusûon an mga taktikal nga opensiba basar ha tikahiluag ngan tikahilarum nga panmasa nga base.

Gindun-an liwat han rehiyunal nga komite han Partido ha SMR nga kinahanglan hugot nga pankatinnan han mga bertikal nga yunit han BHB (o mga yunit nga panaway) an ira orientasyon, papel ngan buruhaton komo prinsipal nga yunit ha pagpapakusog han gerilya nga pakiggerra ha rehiyon. Tungod ini kay may-ada mga higayon nga waray dayon makabaton an mga bertikal nga yunit ha panawagan han Partido ngan naobligar nga saluhon han mga horisontal nga yunit (o mga yunit nga natutok prinsipal ha buruhaton masa) an pagbira ha kaaway.

Subay liwat ha tama nga orientasyon ngan mga katuyuanan han taktikal nga opensiba nga kinahanglan igpasamwak ha ngatanan nga yunit han BHB, kinahanglan tagan hin prinsipal nga duon an paglalansar hin mga taktikal nga opensiba nga maglipol ha kaaway ngan magpapabutho hin damo nga armas (anihilasyon). Ha luyo nga



bahin, kinahanglan sekundaryo nga iglansar an mga taktikal nga opensiba nga an katuyuanan amo an pagpapaluya ha kaaway (atrisyon).

Kinahanglan magpursige ha paglalansar hin serye nga sustenido ngan makakaya nga mga operasyon ngan taktikal nga opensiba. Gintagan-duon ha pag-ases han SMR nga waray iba nga dalan ha pagpapakusog han BHB kundi an pakiggerra. Kinahanglan hugot nga katinan ngan maipatuman han uru-ubos nga mga komite han Partido ha teritoryo (komite ha subrehiyon ngan komite ha prente) ngan platon (sanga ha platon) ngan mga kumand han BHB ha teritoryo (Regional Operations Command, Subregional Operations Command ngan Front Operations Command) an buruhaton ha pagpapahiluag ngan pagpapasûsû han mga taktikal nga opensiba.

Kinahanglan liwat bug-uson an pinakahiluag ngan pinakamakusog nga kagiusan masa kadungan han pagpapakusog han kontra-pyudal nga kagiusan masa. Kinahanglan padayon nga mahipursige an paglalansar hin mga pan-ideolohiya ngan pampolitika nga pag-aram ngan mga panmilitar nga treyning agud maisa an balitang han kakayahang nga politiko-militar han mga yunit han BHB.

Kinahanglan pahugton pa an pagpapatuman han Batakan nga Oryentasyon Militar (o an gintatawag nga regulasyon militar ha iba nga rehiyon) ngan an pagpapatuman han mga regulasyon ngan taktika ha gios-gerilya ngan paghirot ha seguridad. Ha ngatanan nga higayon ngan lugar, kinahanglan makurimot nga seguruhon nga nagigin buta, bungol ngan inutil an kaaway ha ira panalinguha nga mabukas, targeton ngan atakihon an mga yunit han BHB, komite han Partido ngan mga namumuno nga kadre ha iba-iba nga balitang.

Pangangandam han AFP para ha Balikatan, ginpapakyas han BHB ha Sorsogon

Magkadungan nga ginpapakyas han Bagong Hukbong Bayan (BHB) ha Bicol an pangangatake han Oplan Bantay Laya 2 (OBL2) ngan ginhihimo nga pangandam han Armed Forces of the Philippines (AFP) para ha Balikatan *exercises* nga nakatalaan iglansar ha mga probinsya han Albay, Sorsogon ngan Masbate ha temprano nga parte han 2009.

Komo kaparte han OBL2 ngan han pangandam para ha Balikatan, sunud-sunod an pag-inoperasyon han mga elemento han 8th Scout Ranger Company (SRC) ha magkasarapit nga mga bungto han Bulusan, Barcelona, Gubat ngan Casiguran ha Sorsogon. Nagreresulta ini hin mas makusog nga militarasyon ngan mga pagtalapas ha katungod-pantawo ha lugar. Pero padayon liwat nga binibirahan han mga Pula nga mangaraway an ginbansagan nga "elite unit" han militar.

Siyam na nga elemento han 8th SRC an namatay ngan diri mamenos ha usa an grabe nga nasamaran ha mga agway ha Sorsogon ha giutan han nasering nga yunit ngan han BHB hini nga urhi nga mga bulan.

Hini nga Nobyembre 1, tulo nga elemento han 8th SRC an namatay ngan usa an grabe nga nasamaran han mag-atrifer hira sumulod ha Barangay San Pascual, Casiguran, Sorsogon. Bisan diri hira nakayuni-

porme, nabisto pa gihapon hira han masa, nga agap nakapagpahibaro han impormasyon ha mga Pula nga mangaraway. Dayon nakag-andam ngan nakalatag han depensa an usa nga platon han Celso Minguez Command (BHB-Sorsogon) nga nakada hiton nga higayon ha Casiguran. Una nga nakagpabuto an mga gerilya sanglit naunahan ha inisyatiba an kaaway. Ginpabuthan liwat hin bomba an mga Scout Ranger, nga nagdurot hin dugang nga demoralisasyon ha ira ranggo.

Antes ini, namatyan na hin unom nga elemento an nasering nga yunit-militar han atakihon nira an usa nga grupo han mga medik han BHB nga naghahatag hin serbisyo panlawas ha masa ha apike nga bungto han Gubat.

Gintatago han AFP ini nga mga kapirdihan pinaagi han diri pagpanotisya ha midya han mga panhitabo ngan diri pagpagawas han mga ngaran han mga namatay nga sundalo. **AB**

Integral liwat nga karukayaknon an pagpapakusog ha kagiusan masa ha kasyudaran ha pag-atubang ha opensiba han kaaway ngan pagpakusog han gerilya nga pakiggerra.

Ha mahugot nga pagpapatuman

hini nga mga punto, ginlalauman nga makakaamkon pa hin mas magranggat nga mga kadaugan ha gerilya nga pakiggerra an Southern Mindanao ngan diru-diretso nga mapipirde an OBL2 ha rehiyon. **AB**



Kabangisan ngan panguwat han AFP ha Camarines Sur

Upat nga elemento han 42nd IB an namatay ngan damo an nasamaran katapos nira igkaengkwentro an mga membro han Tomas Pilapil Command (Bagong Hukbong Bayan-Camarines Sur) ha Sityo Suguitan, Barangay Mapid, Lagonoy, Camarines Sur hadton Setyembre 3. Nahitabo ini kahuman magpostura nga mga Pula nga mangaraway an militar ngan magpagiya ha mga lokal nga parag-uma sa bubkiron nga parte han Lagonoy. Maupay nala nga waray nasamaran ha mga parag-uma nga gin-gamit ngan gin-inuwat han militar han mahitabo an agway. Waray liwat mahiagum hin kaswalti an BHB.

Tungod ha grabe nga kasina ngan kaarawdan, mga inosente nga sibilyan an ginpanmurangtan han 42nd IB. Pagkatapos nira maseguro nga nakaatras na an BHB tikang ha lugar nga gin-agwayan, ginsunog nira an balay han mag-asawa nga Mila ngan Sherwin Eviernes ha Sityo Suguitan. Makaluluoy yana an kamu-

tangan han mag-asawa nga waray na masisirungan labina nga mangaranak hi Mrs. Eviernes han iya suhag.

Waray pa kakontento, basta nala ginsikmit han mga elemento han 42nd IB hira Nelfa Cledera, 43 anyos, ngan may-ada lima nga anak; ngan Maricel Camacho, nga nataymingan

nira nga napahoway ha usa nga payag pira kakilometro tikang ha gin-engkwentruhan. Utro nga nagpostura nga mga gerilya han BHB an mga pasista nga sundalo han sikmiton nira an duha. Katapos hini, ginpagawas naman han militar nga mga Pula nga mangaraway an duha nga biktima.

An tinuod, mga yano la nga sibilyan hira Cledera ngan Camacho nga taga-Barangay San Isidro, Lagonoy. Gindara hira ha hedkwarters han 42nd IB "C" Coy ha Barangay Mananao, Tinambac kun diin iginpailarum hira ha grabe nga interogasyon. Ginkawatan liwat han militar hi Cledera hin kantidad nga P2,000 nga pan-gastos kunta ha pag-eskoyla han iya mga anak.

Ginbuhian la hira makalabay an pira kaadlaw ha bulig han mga organisasyon nga nag-uundong ha tawhanon nga katungod. **AB**

Panlulupot hin katunaan, gin-aatuhan han BHB ha Negros

An pag-atake han mga Pula nga mangaraway han Leonardo Panaligan Command (LPC) han BHB-Negros ha hedkwarters han Philippine National Police (PNP) ha bungto han La Libertad, Negros Oriental hadton Nobyembre 3 usa la ha pinakaurhi nga mga aksyon pansiroto han armado nga rebolusyunaryo nga kagiusan ha mga elemento nga naghihimo hin hiluagan nga militarisasyon ngan panlulupot hin katunaan ha Negros. Klaro nga ginpanhimuwa liwat hini an iginhihinambog ni Rep. Jocelyn Limkaichong nga rumok na an rebolusyunaryo nga kagiusan ha isla.

Nagpostura nga mga sibilyan nga magpapa-*blotter* ha pulisya an duha nga babaye nga Pula nga mangaraway hadton alas-12:45 han kaagahon han Nobyembre 3. Ginkaestorya nira an usa nga pulis para kaberan an pagsulod han tulo pa nira nga kaupod ha hedkwarters. Tigda nala nira nga gintutukan ngan ginpadapa an kinalasan nga mga pulis. Dagmit

nga gindis-armahan han mga Pula nga mangaraway an mga pulis hin upat nga riple nga M16 ngan unom nga .45 kalibre nga pistola, mga yuniporme nga *camouflage* ngan iba pa nga kagamitan militar.

Dayon liwat nga ginbuhian an mga pulis bisan kun kadam-an ha ira in dabi ha mga kaso han pagpatay, pan-*hold-ap*, *arson*, mga iligal nga

pangangaresto ngan pwersado nga pagpapalayas han mulupyo ha ira mga panimalay. Gin-gagamit liwat hira nga mga personal nga badigard ngan binaydan nga *goons* han pamilya Limkaichong kontra ha mga demokratiko nga organisasyon ha Negros. Usa la nga pulis an nasamaran han makipagpupsilay ini ha BHB.

Samtang, ha Southeastern Negros, iginlansar han Pulang Mt. Talinis Front han BHB an kampanya kontra ha hiluagan nga panlulupot hin tuna han mga parag-uma. Kriminal dinhi an mga negosyante nga agribisnes kakonsabo an mga burukrata kapitalista ngan agaron maytuna. Sumala kan Ka Dom Pantaleon, tagapagyakan han Pulang Mt. Talinis Front, baga-baga suruguon han mga negosyante ngan agaron maytuna an tropa han 302nd Infantry Brigade han Philippine Army nga naghahatag-proteksyon ha ma-



panhibang nga Biogreen Inc. nga pananag-iya han mga Koreano ngan kapartner hini nga pamilya ni anay Rep. Herminio Teves (tatay ni Finance Secretary Margarito Teves). Gamit an Tamlang Valley Agricultural Development Corporation (TVADC) komo prente, pwersado nga ginpapatonom an mga parag-uma hin *jatropha* ngan *cassava* imbes nga mga tradisyunal nga tanom sugad han humay ngan mais ha gig-utan han mga barangay han mga bungto han Sta. Catalina, Siaton, Valencia ngan Pamplona. Sumala ha mga parag-uma han Tamlang Valley, pagkaon an ginkikinahanglan nira ngan diri an *biofuel* nga iginhihinambog han rehimen Arroyo nga alternatibo ha lana.

Hadton temprano nga parte han 2008, ginsikmit ngan ginkakabarak-an nga ginpatay na han mga ahente militar an mga parag-uma nga hira Flaviano Arante ngan Reynaldo Yanoc, puros residente han Barangay Talalak, Sta. Catalina. Hadton Setyembre 9 naman, naglansar an militar hin walo kaoras nga panmomba ha mga bubkiron nga barangay han Sta. Catalina. Ginamit hira hin mga *mortar*, 105 mm *howitzer*, usa nga edro nga *Tora-Tora* ngan duha nga *helicopter gunship*.

Kundi waray kabantad an katawhan ngan rebolusyunaryo nga kagiusan. Naglansar hin duha nga operasyon pansirok an BHB kontra ha mapanhibang nga kompanya. Hadton Setyembre 9, ginkumpiska ngan ginsunog han usa nga grupo han BHB an tulo nga traktora nga pananag-iya han TVADC ha Sityo Cuadra, Barangay Mantikal, Sta. Catalina. Uro, hadton Oktubre 3, ginkumpiska ngan ginsunog han BHB an duha nga traktora han TVADC ha Barangay Casalaan, Siaton.


Nagkamay-ada liwat napulo nga

Opisyal han AFP nakaptura, M60 nakumpiska

Usa nga M60 masinggan, duha nga M16 ngan usa nga M14 an nakumpiska han mga Pula nga mangaraway han Front 3 Operations Command-Bagong Hukbong Bayan (BHB) han ambuson nira an mga elemento han nagpapatrolya nga 3rd Special Forces Battalion (3rd SFB) hini nga Nobyembre 7 han aga ha Sityo Anagase, Barangay Casoon, Monkayo, Compostela Valley.

Tulo dayon an namatay ngan damo an nasamaran ha kaaway. An gin-ambus nga yunit kaparte han Reengineered Special Operations Team (RSOT). Sinurender ngan nakaptura han mga Pula nga mangaraway hi 1Lt Vicente P. Cammayo, kumander han 11th Special Forces Company-3rd SFB, katapos mapirde an iya ginpapamunuan nga yunit.

Sunud-sunod an dugsang han BHB ha mga elemento han 3rd SFB.



agway giutan han mga pasista nga militar ngan BHB tikang Mayo tubtub Oktubre. Hini nga mga agway, nahigum hin damo nga kaswalti an kaaway kundi iginlilikaw nira ini. Hadton Setyembre 25, nasamaran hi 2Lt. Romualdo Rubi han 79th IB ngan usa pa nga elemento han CAFGU ha ha-

Antes ini, gin-ambus na han mga gerilya han Front 3 Operations Command an nasering nga yunit hadton Oktubre 25 ha *national highway* ha Barangay Banlag, Monkayo. Gin-isnays liwat han mga Pula nga mangaraway hini manta nga adlaw an 3rd SFB ha Barangay Canidkid, Montevista.

Ini nga mga taktikal nga opensiba nagseserbe nga aksyon pansirok kontra ha 3rd SFB nga responsable ha grabe nga pagtalapas ha tawhanon nga katungod, protokol han gerra ngan internasyunal nga makatawo nga balaud, nga puros mga sibilyan an ginbibiktima. An kamadarahug han 3rd SFB ha mga diri armado nga sibilyan in mga bulos-atake han lanong nga yunit ha sunud-sunod nga kaswalti hini tikang ha mga dugsang han BHB. Pangilal-an han kamatalaw han ginsesering nga "elite unit" han AFP an masunod nga mga pagtalapas ha tawhanon nga katungod:

Setyembre. Ginkasti-

rasment nga ginhimo han BHB ha Sityo Bagacay, Barangay Milagrosa, Sta. Catalina. Duha nga sundalo ngan ira giya nga elemento han Barangay Defense System an namatay ha ambus nga ginhimo hadton Oktubre 5 ha Sityo Abante, Barangay Buenavista, Sta. Catalina. **AB**

go han mga tawuhan han 3rd SFB an usa nga nagngangaran nga Pascual, usa nga parag-uma nga taga-Cebuli, Barangay Kapatagan, Laak katapos mapatay an tulo nga elemento han 3rd SFB ngan masamaran an duha han igkaengkwentro hini an BHB.

Hulyo. Ginpatay han lanong nga yunit an lider-parag-uma nga hi Diego Encarnacion, residente han Barangay Linda, Nabunturan katapos atakihon han BHB an detatsment han 72nd IB ha nasering nga barangay ngan madis-armahan an mga tropa dinhi.

Hunyo. Ginpatay han mga tawuhan han 3rd SFB hi Noli Llanos, lider-parag-uma ngan kagawad han Barangay Mipangi, Nabunturan katapos sirutan han BHB an tulo nga elemento han 3rd SFB.

Grabe liwat nga nahiagum hin panmuypoy-militar an mga residente han mga bubkiron nga baryo han Monkayo ha kamot han 3rd SFB.

Pagtatahob han AFP. Samtang, ginpanhimuwa han Merardo Arce Command han BHB ha rehiyon nga an mga tropa han 66th IB nga gin-ambus han mga Pula nga mangaraway ha Sityo Taytayan, Barangay Andap, Montevista hadton Oktubre 24 in tikadto ha Manurigao, New Bataan para maglansar hin "*humanitarian mission*". Walo nga sundalo an namatay ha ambus, kaupod hi 2Lt. Jeffrey Domingo, lider han usa nga platun ilarum han 66th IB. Kinabuwasan, Oktubre 25, utro ginbanatan an 66th IB ha Sityo Manlubog ha pareho nga barangay.

An tinuod, Oktubre 23 pa la sinakob na an napulo ka-trak nga mga sundalo nga iginpadara han 1001st Brigade han AFP para maglansar hin todo-todo nga atake militar ha New Bataan. Nabuksas an tinuod nga katuyuanan han mga tropa han waray wantas nira nga ginbombahan an mga tay-aw nga barangay ha New Bataan. **AB**

Panmomba, panmatay ngan iligal nga pangangaresto

Waray wantas nga panmomba ha mga sibilyan, waray kaluoy nga panmatay ha mga aktibista ngan mamarahayag ngan iligal nga pangangaresto ha mga lider ngan membro han dayag nga demokratiko nga kagiusan an pinakalandaw nga mga pagtalapas ha tawhanon nga katungod nga nakalap han *Ang Bayan*:

Nobyembre 18. Usa nga 30 anyos nga sibilyan an namatay ngan upat an nasamaran, kaupod an usa nga bata, katapos maglansar hin *air strike* an Philippine Air Force ha usa nga tawuhon nga lugar ha Mamasapano, Maguindanao. An namatay amo hi Sindak Ismael samtang an mga nasamaran amo hira Haja Bai Masla Zangkala, 45 anyos; Haja Apisa Ibrahim, 47 anyos; Rudy Kamsa, 23 anyos; ngan usa nga 12 anyos nga bata.

Samtang, padayon an pinirit nga ebakwasyon han katawhan ha Mindanao, sumala ha Philippine National Red Cross. Inabot ha 46,350 katawo o 11,734 kapamilya an nag-ebakwet ha siyam nga probinsya han Mindanao tungod ha pinakaurhi nga serye han mga agway giutan han AFP ngan MILF. Kaupod dinhi an pag-ebakwet han usa nga komunidad ha Bukidnon kun diin 30 nga kabablayan an ginsunog ngan ginhibang han mga nag-ooperasyon nga militar. May-ada liwat 1,230 kapamilya ha Sultan Kudarat nga nawarayan hin estaran resulta han grabe nga operasyon han militar

kontra ha MILF.

Nobyembre 17. Ginpatay hi Aristeo Padrigao, komentarista han dxRS Radyo Natin ngan paragsurat han *Mindanao Monitor Today* ha Gingoog City, Misamis Oriental alas-7:15 han aga. Igindul-ong pa la ni Padrigao an iya anak ha eskoylahan han pagpupsilon hiya. Hi Padrigao an ika-61 nga mamarahayag nga ginpatay tikang hadton 2001.

Nobyembre 9. Ginpusil tubtub mamatay hi Rolando Antolihao, 39 anyos, *municipal coordinator* han Bayan Muna ha Kapalong, Davao Del Norte. Sumala ha mga testigos, dapit alas-6 han gab-i han pusilon hi Antolihao han duha nga lalake nga nanuktok ha iya panimalay. Pito nga igo han bala an nahiaguman ni Antolihao.



Nobyembre 6-13. Gin-aresto hi Emmanuel Dioneda, 42 anyos, *executive director* han Labor Education Advocacy Development Response Services (LEADS). Hiya an ika-unom nga aktibista han Southern Tagalog nga gindakop han mga ahente han estado tikang Oktubre hini nga tuig.

Hi Dioneda, kaupod an iya konswelo nga hi Sailani Catindigay gindakop han mga elemento han Calamba City Police ngan *regional intelligence* ha atubangan han Calamba City Hall ha Laguna. Ginkuha an pitaka ngan *cellphone* ni Dioneda ngan iginduon hiya ha kaso nga *multiple murder* kaupod an 72 pa nga mga aktibista. Ini nga kaso kasumpay ha nahitabo nga ambus ha Calapan City, Mindoro Orien-

tal hadton Marso 2006 kun diin tulo nga pulis an namatay.

Antes ini, ginreyd han mga elemento han 418th PNP Mobile Force an balay ni Romeo Aguilar, kabug-usan nga sekretaryo han Kalipunan ng Damayang Mahihirap (KADAMAY)-Rizal, ha Barangay San Isidro, Antipolo City. Kaupod hi Aguilar ha mga akusado ha kaso ha Mindoro Oriental.

Hadton Nobyembre 6 gin-aresto hi Arnaldo Seminiario, membro han Kilusang Mayo Uno, usa pa nga akusado ha nasering nga kaso.

Nobyembre. Hiluagan an piniritay nga rekrutment han militar ha mga Lumad nga Mandaya para magin mga elemento han Citizens' Armed Forces Geographical Unit (CAFGU) ha New Bataan, Compostela Valley. Gin-gagamit han AFP an mga membro han mga tribo didto para lanaton an BHB.

Oktubre 10. Lima nga paraguma tikang ha Barangay Sicalao, Lasam, Cagayan an ginsikmit han mga elemento han 17th IB ha pamumuno ni Lt. Johnny Calub. An lima

amo hira Romy Caguia, Jovito Domingo, Marcos Academia, Randy Miguel ngan Johnny Alburot. Ginbuhian hira Academia, Miguel ngan Alburot katapos an duha kaadlaw. Kundi ginpatay hi Caguia ngan padayon pa gihapon nga kinakatinan han 17th IB hi Domingo. Usa nga elemento han CAFGU, hi Pablito Costano, nga nakatestigos ha pagpatay kan Caguia, in nawawara liwat ngan gintutuohan nga ginsikmit liwat han 17th IB para paminngawon. **AB**

Mga trabahador han Triumph International Phil.

No-strike policy han DOLE, ginkondenar

Hugot nga tinipahan han mga kaapi han Bagong Pagkakaisa ng mga Manggagawa sa Triumph International Philippines, Incorporated (BPMTI) an mandasyon han Department of Labor and Employment (DOLE) nga nagdidiri ha ira nga maglansar hin welga kontra ha maneydsment han Triumph International Philippines. Sumala ha DOLE, aada na kuno ha hurisdiksyon han National Conciliation and Mediation Board an ira reklamo katapos mag-*deadlock* an negosasyon para ha *collective bargaining agreement* (CBA). Hini nga Nobyembre 17 ginkadto han 300 nga unyonista an nasyunal nga opisina han DOLE ngan ginkondenar an konsabuhay han maneydsment han kompanya ngan han gobyerno Arroyo para paeksisteron an "*no-strike policy*".

Antes ini, hadton Oktubre 15 ginkadto han masobra 1,000 nga trabahador ilarum han BPMTI an bodega han kompanya ha Buendia, Makati City. Katapos an martsa, iginbalong han mga trabahador an gatus-gatos nga *bra* ngan *panty* ha atubangan han bilding han bodega. Ginhimo ini para suktan an maneydsment katapos waray magkausa ha CBA hadton Oktubre 10.

Katapos han tulo kabulan nga negosasyon ha CBA para ha dugang nga suhol ngan benepisyu, waray pa liwat klaro nga baton an maneydsment han kompanya.

Ini nga pitad han mga trabahador han Triumph an pinakaurhi la ha serye han mga gios-protesta nga iginlansar hini nga nakalabay nga mga adlaw. Para iginsister an ira interes ha negosasyon, naglansar hira hin mga piket ha gawas han pabrika, *noise barrage* ha

sakob han pabrika kada *break time*, pagkab-it hin istrimer ngan iba pa nga porma han duruyog nga paggios. Nailansar na liwat nira an regular nga mga *roving picket* antes ngan kahuman an mga pag-erestorya ha CBA; mga kinada-adlaw nga rali antes sumakob an mga trabahador ha pabrika; ngan mga *silent protest* para igpadangat ha maneydsment han pabrika an ira mga lehitimo nga demanda.

Kalakip ha mga ipinakikig-away han unyon an paghatag han kompanya hin dugang nga ₱125 ha ira *basic pay* (₱45/₱40/₱40 ha partihay) ha masunod nga tulo katuig ngan an pagpapatuman han *across-the-board government wage increase*. Ipinakikig-away liwat nira an pagbasura ha "*30-year compulsory retirement*," paghatag hin bulig pinansyal ha mga magreresayn nga mga empleyado, pagkakamayada hin *union leave*, *hospitalization*, libre nga *shuttle service*, *plant transfer* ngan iba pa.

Pananag-iyu an Triumph International Philippines han mga Speishoffer ngan Brawn, mga kapitalista nga Briton. Ha yana, ini an prinsipal ngan pinakadako nga tagmanupaktura hin mga *undergarments* ha bug-os nga nasud. May-ada ini mga planta ha Cavite ngan Cebu. Maabot ha masobra 1,200 an ihap han mga trabahador ha Triumph nga kadakan in kababayin-an. Maabot ha 900 an kaapi han BPMTI. Matatad-an an mayoriya han mga trabahador ha ira pabrika ha Food Terminal Incorporated (FTI) Complex ha Taguig City. **AB**

Pamunuan han Senado, naagaw han kampo Arroyo

Ginpagios han naghahadi nga barkadahan Arroyo an mga kaway ngan binaydan hini ha Senado ngan ginsingabot an mga kontradiksyon ha ranggo han mga oposisyunista para maruba an pagkaurusa nira, maagaw an pamunuan hini ngan paningkamutan nga gamiton ini ha mga katuyuanan ni Arroyo.

Naobliga nga magresayn dayon ha pwesto hi Sen. Manuel Villar komo presidente han Senado hini nga Nobyembre 17 han mahibaruan niya nga may-ada na resolusyon an mayoriya para saliwnan hiya. Ha eleksyon para ha bag-o nga Senate President, 14 nga senador an binutos kan Enrile, samtang labot pa kan Villar nag-*abstain* (waray pumartisipar ha pagbotos) an unom nga oposisyunista nga kaalyado niya.

Maaram an publiko nga hi Enrile, an anay tagapagpatuman han balaud militar han diktadura Marcos, in usa ha mga pinakaaktibo nga alyado ngan tagdependa ni Arroyo. Hingyap han Malacañang nga gamiton hi Enrile komo epektibo nga instrumento para mapaluya an oposisyon ha Senado ngan magserbe ini ha interes ni Arroyo. Katuyuanan han kampo Arroyo nga kapunon an Senado. Kun mahihimo pa ngani karuyag han Malacañang nga diruderetso na ini nga malusaw para diri na ini magamit han oposisyon ngan diri na magserbe nga ulang ha pagpapahilawig pa ni Arroyo ha poder.

Dayon nga naghugas-kamot an Malacañang ha nahitabo nga kudeta ha Senado. Labot ha mga alyado ni Arroyo, pira pa nga aada ha oposisyon, kaupod na hi Jinggoy Estrada, anak ni anay presidente Joseph Estrada, an binutos kan Enrile. Ginpapagawas han kampo ni Arroyo nga an anay presidente pa

asya an tinuod nga nagpaluyo han pagsaliwan hin liderato ha Senado.

Nagin prinsipal nga target han mga atake hi Villar tikang han mahi-upod hiya ha mga prinsipal nga ngaran ha mga surbey han mga makandidato ha pagka-presidente ha 2010. Ginsusulsulan han kampo Arroyo an pagkakabuhag-buhag han oposisyon para mapaluya ini ngan diri na makapangibabaw enkaso madayon an eleksyon ha 2010. Hadton Hulyo, nag-inaringasa hi Sen. Panfilo Lacson hiunong ha mga anomaliya kuno ha pagpapahilaba han C5 Road nga sering niya ginpahimulsan ni Villar. Hadto pa igindaitol na ini han Malacañang ha pagmaniobra para masaliwnan hi Villar.

Maano paman, klaro nga an nahitabo nga pagbabag-o ha liderato ha Senado in pabor yana kan Gloria Arroyo.



Ha pagkakuha ni Enrile ha liderato han Senado, aada na yana ha kamot han mga binutos ha iya an pinaka-importante nga komite didto. Kabalyo han prinsipal niya nga papel ha pagpatalsik kan Villar, iginhatag kan Lacson an pamumuno ha pinaka-podiruso nga mga komite ha Senado, an Ways

and Means Committee, nga nag-iimbestiga han ngatanan nga isyu nga may-ada kalabutan ha pinansya han gobyerno; an Accounts Committee, nga asya an nag-aawdit han mga gastos han Senado; ngan an Ethics Committee, nga nag-iimbestiga ha ngatanan nga mga isyu ha anomaliya han mga membro han Senado. Gagamiton ni Lacson an Ethics Committee para dugang nga pukpukon hi Villar.

Posible liwat nga mahingadto kan Richard Gordon an "Blue Ribbon Committee" (Committee on Accountability of Public Officers and Investigations) nga asya an nag-iimbestiga ha mga anomaliya sugad han ZTE/National Broadband Scam, an "Euro Generals" ngan Fertilizer Fund Scam. Ha pagbarubaraha ha liderato han mga komite, antuman nga mahingangadto ha waray ini nga imbestigasyon.

Ha pagkakapwesto kan Enrile, ginlalauman ni Arroyo nga mas magigin wadahan an iya maniobrahan ha sakob han Senado. Ginlalauman ni Arroyo nga mas makikipagpubligay ini ha Lower House nga nahiuna na hini nga nakontrol han patalsikon hi Jose de Venecia komo Speaker ngan sumaliwan an tuta ni Arroyo nga hi Prospero Nograles.

An Korte Suprema an kasunod nga gintatarget katinan ni Arroyo para makompleto na niya an kontrol ha bug-os nga makinarya han reaksyunaryo nga estado. Ha katapusan han 2009, nakatalaan nga magretiro an pito nga mahistrado hini, kaupod hi Chief Justice Reynato Puno. Ha pagnombra ni Arroyo hin mga kasaliwan, magigin mapagdesisyon na an kontrol dinhi ni Arroyo ngan anuman nga desisyon hini segurado nga mapabor na ha iya.

Mas madali na kun sugad para ha Malacañang nga dagmiton an nakapending nga mga iskema hini para ha pagpapahilawig han paghahadi ni Arroyo lahos ha 2010. **AB**

Kapitalismo ha China

Diri natuod an katawhan han China nga sosyalista pa gihapon an ira nasud. Ini an igin-insister ni Prof. Pao-yu Ching, usa nga propesor ha ekonomiya han usa nga unibersidad ha US ngan eksperto ha ekonomiya ngan kongkreto nga kondisyon han katawhan Tsino. Iginplatar ini nga panan-aw ni Professor Pao-yu ha usa nga porum nga gindumara han National Democratic Front of the Philippines-International Office hadton Oktubre 18.

Sumala ha propesor, an mga reporma ha ekonomiya, nga nagtikang hadton 1978 ngan ginsering nga "sosyalismo nga mayada kinaiya nga Tsino" waray igindurot kundi kakurian ha katawhan, pagwaldas ha natural nga rekurso han nasud, pagkaruba han kalibungan ngan transpormasyon han nasud ngadto ha usa nga neokolonya han mga langyawanon. Tikang ha pagigin sosyalista nga nasud nga nasuporta ha mga tiniyupi nga katawhan ha bug-os nga kalibutan, nagapil na yana an China ha mga magtiyupion ha Asia, Latin America ngan Africa para maghakin hin dugang nga rekurso ngan makapagpahiluag han lugop han impluwensya ha ekonomiya ngan politika han iba nga nasud.

Ha luyo nga bahin, sumala ha propesor, igintututdo han mga panhitabo ha katawhan Tsino an tinuod nga kinaiya han kapitalismo. Traynta anyos katapos an mga "reporma," nagtitikagrabe an kakurian han mayoriya han mga parag-uma ngan trabahador. Maaram na liwat hira nga waray

maihahatag nga maupay nga kabuwason an presente nga sistema ha ira mga anak. Ha sugad, naiintindihan na nira an duha kalinya nga makaklase nga kontradiksiyon ha sakob han Partido Komunista nga hadto pa iginpapaliwanag ni Kasamang Mao.

Tungod ha kapitalsita na nga kinaiya han ekonomiya ha China, diri malilikyan nga grabe nga maigo na liwat ini han pankalibutan nga krisis han kapitalismo. Hini nga syahan nga parte han tuig, inabot na ha 67,000 nga gudti ngan kasadangan-an-kadakuon nga pabrika an nagserra resulta han pagluya han mga order para ha mga barato nga produkto nga nakakontrata ha mga kompanya ha US ngan iba pa nga sentro han kapitalismo. Binagsak na an tantos han pagdako han sektor han mga eksport tikang 26% hadton Setyembre 2007 ngadto 9% hini nga Oktubre 2008. Ginpara hini an mga ilusyon nga talwas an China ha hampak han krisis nga nagtikang ngan nagbabay-og yana ha ekonomiya han US ngan bug-os



nga pankalibutan nga sistema nga kapitalista.

Gatus-gatos kayukot nga trabahador an basta nala nga ginibanan an mga suhol, waray pagbaydi an mga suhol kundiri man direkta na nga gintanggal. Diri urusahon nga nagtitikadamo na an mga protesta ngan welga han mga trabahador.

Ha pag-atentar nga kontrolon an kasamukan nga durot han hiluagan nga tanggalay, igin-anunsyo han pamunuan han China hadton Nobyembre 8 nga ha masunod nga duha ka-tuig magbubuhos ini hin \$586 bil-yones ha paghimo hin dugang nga mga impra-istraktura para ha transportasyon. Tuyo kuno hini nga magresulta hin mga bag-o nga trabaho, pansaliwan ha yukut-yukot pa nga mga trabaho nga mawawara durot han pankalibutan nga krisis. Kundi pareho han nahitatabo liwat ha iba nga kapitalista nga nasud, mapapakyas hini nga pugngan pa nga malunod liwat an China ha presente nga nagtitikahilarum nga pankalibutan nga resesyon. **AB**

52,000 nga empleyado han Citigroup, tatanggalon

MAABOT ha 52,000 nga empleyado an tatanggalon han Citigroup (pinakadako nga bangko ha US) tikang yana tubtub pag-entra han 2009. Labot pa ini ha 23,000 nga trabahador nga gintanggal na hini hadton pag-entra han 2008. Gin-aantuman nga 20% han kabug-usan nga 4,000 nga empleyado hini ha Pilipinas an mahiuupod ha tanggalay.

An hiluagan nga tanggalay ha Citigroup in magdudurot hin dugang pa nga paggrabe han dis-empleyo ha US ngan ha bug-os nga kalibutan. Wala-tuo an dagko nga kompanya nga nag-aanunsyo hin tanggalay. Inabot na ha 1.2 milyones nga trabahador ha US an gintanggal ha trabaho tikang 2008. Inumento na ha 6.5% an tantos han dis-empleyo—pinakahitaas tikang Marso 1994.



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyon nga Waray
Tuig XXXIX Ihap 22
Nobyembre 21, 2008
www.philippinerevolution.net

Editorial


Sekreto nga mga operasyon han US ha iba-iba iba nga nasud

Waray wantas nga gintatamakan han imperyalismo nga US an soberanya han iba-iba nga nasud ha pagpapasulong hini han pankalibutan nga terorista nga gerra. Diri na ini mahilikaw han US kahuman mabuksas hini nga Nobyembre an usa nga dokumento nga klaro nga nagmamando ha mga tropa han US Special Forces nga maglansar hin mga sekreto nga atake ha ginpapagawas nira nga pukot han terorista nga al-Qaeda diinman nga parte han kalibutan.

Hadton 2004, iginpapagawas han anay Defense Secretary Donald Rumsfeld han US an "al-Qaeda Network Exord" (*execute order*) nga nagmamando hin paglalansar hin mga sekreto nga pag-atake ha mga kampo kuno han al-Qaeda, bisan waray pa pagtugot an gobyerno han nasering nga mga nasud. Ha desisyon han usa nga guti nga grupo han higtaas nga opisyal, dagmit nga nahideploy an mga sundalo nga Amerikano ha iba nga nasud agud maglansar hin panmomba ngan iba pa nga operasyon kontra ha ira mga target.

Kaparte an *memorandum* han usa nga tambak nga mga mando han rehimen Bush agud pakusgon ngan igpasamwak an terorista nga gerra hini ha iba-iba nga parte han kalibutan. Nahiuna na nga nagpapagawas hi Bush hin mando para ha ginsesering nira nga "*rendition*"—an sekreto nga pagsikmit, pagdetiner, pagbarubalhin, pag-imbestigat ngan pagtorturyur ha mga suspetsado nga "terorista" ha mga sekreto nga prisuhan ha iba-iba nga nasud. Hadto pa nga 2002 sekreto liwat nga iginmando ni Bush an pagsubaybay ha mga ertestorya ha telepono, *email* ngan iba pa nga elektronik nga komunikasyon han katawhan ngan mga langyaw ha US hin waray mandamyento o anuman nga pagsarit ha korte. Talapas ini nga mga mandasyon ha internasyunal nga balaud ngan bisan ha mga balaud han US.

Ginpapakaupay pa han US an iba-iba nga pamaagi han pangespiya ha iba-iba nga nasud. Sekreto nga gin-gagamit



**Mga landaw hini
nga isyu...**

**Mga drone han US,
sekreto nga ginpa-
palupad ha Pilipinas**

PAYPAY 3

**Opisyal han AFP
nakaptura, M60
nakumpiska**

PAYPAY 8

**Pamunuan han Senado,
naagaw han kampo
Arroyo**

PAYPAY 11

Mga instruksyon ha pag-iimprenta

1. An **ginsundan nga paypay**, nga eksakto nga kopya han paypay 1 gawas ha mas pus-aw an *masthead* o *logo* in para ha mga nagamit hin *mimeo machine* o nag-iimprenta ha pamaagi nga *v-type*. Gindesenyo ini para diri madali nga mahibang an istensil.

2. Pag-*print* ha istensil:

- a) Ha *print dialog*, i-check an **Print as image**
- b) Tanggalon an *check* ha **Shrink oversized pages to paper size**
- k) I-click an **Properties**
- d) I-click an **Advanced**
- e) Seguruhon nga naka-set ha **100%** an **Scaling**
- d) Ipadayon an pag-*print*

3. Gin-aaghat an mga kasama nga ipaabot ha patnugutan han *AB* an anuman nga problema kasumpay han pag-iimprenta pinaagi han *v-type*. Magpadara hin *email* ha *angbayan@yahoo.com*